

INUIT ATAQATIGIIT

INATSISARTUNI



UPA2023/46

25. april 2023

Mariia Simonsen

Inuussutissarsiatut ilinniartitsinerit aamma inuussutissarsiatut ilinniartitsinerup iluani pikkorissaanerit pillugit Inatsisartut inatsisaannik allannguineq

(Ilanniartitaanermut, Kultureqarnermut, Timersornermut Ilageeqarnermullu
Naalakkersuisoq)

Oqaaseqaat:

Inuussutissarsiatut ilinniartungortartut sungiusaammik suliffissamik isumaqtigisiissuteqanngikkaluarlutik ilinniakkamik aallartitsisinnaalersinniarlugit inatsimmut allannguutissatut siunnersuut naalakkersuisup saqqummiussaa Inuit Ataqatigiinnit ilassilluarparput. Ilanniartitaanermut naalakkersuisoq ukiup ataatsip matuma siorna ilinniartitaaneq pillugu isumasioqtigisiissimmat inassutigineqartoq taamaalilluni timitalerneqartussanngorpoq, tamannalu allannguinarluni iliuuseqarnertut pitsasutut isigaarput.

Inuusuttuaqqat inuussutissarsiummik ilinniarlutik aallartittartut ukiuni kingullerni 20-ni 1400-niit 1000-it missaannut ikilisimapput. Tamanna sungiusaammik suliffissamik amigaateqarnermik ilaatigut pissuteqartinneqartarpooq. Sungiusaammik suliffissamik isumaqtigisiissuteqanngikkaluarluni ilinniakkamik aallartittoqarsinnaalerteratigut ilinniartut aallartittartut marloriaammik amerlissasut ilimagineqarpoq. Tamanna pitsasuuvooq, malitsigisassaali aamma eqqumaffigineqartariaqarput.

Naatsorsueqqissaartarfíup kisitsaataai naapertorlugit inuusuttuaqqat arfineq-marluugaangata ataasiinnaq ilinniarfimmut ingerlaqqittarpooq. 16-it 19-illu

INUIT ATAQATIGIIT

INATSISARTUNI



akornanni ukiullit affaat sinnerujussuarlugit, 64 procentit, ilinniaratillu sulinngillat. Inuuusuttuaqqat assassinermik ilinnialernissaminut piukkunnarsarfissaannik amigaateqartoq tamakkuningga ilinniarfennit tikkuarneqartarpooq. Naalakkersuisut kaammattorpavut inuuusuttuaqqat meeqqat atuarfianiit naammassigaangamik sapinngisamik amerlanerpaat ilinniakkamik aallartitaqarnissaat pimoorussamik sulissutigeqqullugu. Ilinniarfinnik ilisimasaqartut siunnersuutissaat naalaartariaqarput, inatsimmullu allannguutissap suliarineqarnerani tusarniakkat akissutaat isumassarsiorfissaqqissuupput. Inuuusuttuaqqat ilinnialernissaannut piukkunnarsaaneq ilinniarnerminnillu taamateeqqajaasut taamaatittulluunniit aallarteqqinnissaannik suliaqarneq Majorissat suliassaraat, nukitillu tamakkununga atornerusariaqaraat isumaqarpugut.

Inatsimmut allanguummi pineqarpoq sungiusaammik sulissamik isumaqatigiissuteqanngikkaluarluni ilinnialersinnaaneq. Sungiusaammik sulineq ilinniarnerup ingerlanerani kinguartinneqassaaq, nalunngilarpullu sungiusaammik suliffissat assut amigaataasartut. Inatsisip allannguutaatigut aamma ilinniarfimmi sungiusaammik sulisoqarsinnaanera ammaanneqarpoq, ilinniarfinnili tamani tamanna periafissaanngilaq. Taamaattumik sungiusaammik suliffissanik amerlanerusunik pissarsinissaq pisariaqarluinnarpoq, tamatumanilu assersuutigalugu pisortat sanaartugassaataannik sulariumannittussarsiuussinermi ilinniartoqarnissamik piumasqaatit qimerlooqqittariaqarsorinarpooq. Suliffeqarfiit sanaartornermik suliaqartut inuiaqatigiinnut pisussaaffeqarnerat naqissuserneqartariaqarpoq.

Taama oqaaseqarluta inatsimmut allannguutissatut siunnersuut ilinniartitaanermut ataatsimiitaliami suliassanngorlugu innersuupparput.